



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. XVIII. Iesvs militibus occurrit.

[urn:nbn:de:hbz:466:1-49178](#)

quo convertamur ab impietate ; non opus est
magno molimine, non diuturno tempore : satis
est post multos annos in sceletibus exactos, uni-
cum momentum : satis ut sias amicus Christi, u-
nicum cordis suspirium : satis unica stillans ex o-
culo lachryma, satis unica pectoris tunsio, satis
una linguæ vocula; dic serio cum Davide, Peccavi
eodem momento audies : Remittuntur tibi pecca-
ta tua.

2. Reg.
12. 13.
Luc. 7.

§. XVIII.

IESVS militibus occurrit.

Iesus, ne quis eum argueret vel imbecilitatis,
quod comprehensus, vel fragilitatis, quod pa-
sus, vel infirmitatis, quod mortuus fuerit, voluit,
priusquam traderetur manibus impiorum, pra-
mittere plenum & potentia, & magnificentia
prodigium.

Iesus itaque sciens omnia, quæ ventura erant super
eum, processit & dixit eis : Quem queritis? Responderunt
ei : Iesum Nazarenum. Dixit illis Iesus : Ego sum : Illa
vox Ego sum, est compendium omnium perfectionum, quæ in Deo elucescunt. Vox illa, Ego sum, nullo nec in cœlo, nec in terra potest proferri, ni-
si ab illo, cui data est omnis potestas in cœlo & in terra
Matt. 28 qui in principio creavit cœlum & terram, nisi ab eo in
Gen. 1. 1. quo omnia, ex quo omnia, per quem omnia; hoc
Io. 3. 3. est, à solo Deo ; Quicunque alias dixerit : Ego
2. Ioan. sum, mendax est, & veritas non est in eo. Quare Christus dicens : Ego sum, Deum se esse fatebatur. Ego
2. 6. sum, vox amabilis piis : ego sum pater vester, diligite filii : Ego sum magister vester, audite discipuli
Ego sum merces vestra magna nimis, laborate strenue operarii : ego sum bravum, currite celeriter studiodromi : ego sum corona vestra; pugnate for-

tit

titer, milites: *ego sum vox formidabilis impiis: ego sum, expavesce peccator*, eodem loco quo peccas, *ego sum peccati spectator, peccatoris iudex, peccantis vindex.* Quò fugies peccator, qui nusquam potes effugere: *ego sum, in cuius horrendum est incidere manus: ego sum, qui ligatis manibus & pedibus projiciam te in tenebras exteriores: ego sum, qui possem & corpus, & animam perdere, & mittere in gehennam ignis.* Sed ulterius fracto cortice, pertingamus ad nucleus. Pensiculatius expendamus has duas voculas *ego sum: hic enim est aurifodina, fodiamus altius, & effodiemus thesaurum.* Scio, ô Christe, per 40. & amplius saecula omnes gentes, tribus, nationes, totum genus humanum tantis spiritiis expetiisse, tot lachrymis & precibus supplicasse, tantoque desiderio expectasse, magnum illum Messiam, qui sanaret ægros, liberaret captivos, tolleret peccata, induceret pacem, redimeret homines, spoliaret inferos, aperiret cœlos, tune es ille? *Ego sum: ô me ergo feliciorem Patriarchis, beatiorem Prophetis, fortunatiorem omnibus regis Regibus veteris Legis.* qui tantum crediderunt, prædixerunt, expectarunt venturum, quem scio ego venisse, credo hic adesse. Quapropter cum hic certa, & quâ nulla potest esse certior, fide te credam hic mihi adesse, eja negotiemur inter nos, & sermocinemur tantisper, tu & ego, soli sine arbitris, in silentio, in arcano secessu; habeo pauca, quæ te interrogem, tu responde mihi. Fuit quondam tempus, nec ita pridem, ante 80. annos, cum ego jacarem inter umbras, sine tensu, sine motu, sine vita, sine animo, sine corpore, sine naturâ, inane nihil: nihil eram, & totâ retro æternitate nihil fueram. Fuit verò aliquis, qui, quo fine, cur fecerit,

E 2

nescio,

Hebr. 10.

31.

Matt.

22. 13.

Matt.

10. 28.

Christi
in nos
benefi-
cia.

nescio, tu scis; sed fuit aliquis, qui conjectis cle-
menter oculis misericordiae, in illam vastissimam
inanitatem magni nihil, ex illa caliginosâ abyso,
eduxit me in lucem, in municipium hoc mundi,

Gen. 2.7 formavit mihi de limo terræ corpus, inspiravit

Gen. 1. faciem meam spiraculum vita, & factus sum homo, in

28. animam viventem; iussitque me dominari pisibus

maris, & volatilibus cœli, & universis animantibus,

quaæ moventur super terram. Quis est ille? Ego sum.

O amorema! sed pergamus poni, plura fors hinc

eruemus, unde gaudemus, & amore ardeamus.

Vix emersem ex illo tenebricoso antro magni

nihil, cum oblitus factoris mei, quia creaverat

me ad imaginem, & similitudinem suam, derisi

Dominum deum meum, & æmulus Absalonica

impietatis, Patrem meum persequebatur: quare in

magno illo fato, reus læsæ majestatis declaratus,

& condemnatus, trahebar ad locum supplicii,

ducebar ad mortem, tendebam ad exitium: astu-

erat de salute, conclamatum de vita, jam perie-

ram; quia non erat qui servaret me, non erat ul-

que ad unum. Videbat hoc Rex quidam magnus

Apoc. 19. (quis ille fuerit, nescio, tu scis) in cuius femo*n*

scriptum erat Rex regum, & Dominus dominantium.

Ille depositâ purpurâ, descendit ex alto, induit vi-

lem laccum, tradit se tortoribus, eripit me è carcere,

solvit vincula: pro me sistitur judici, morte tur-

pissimâ condemnatur, moritur ipse & ego vivo.

Quis est ille? Ego sum. O misericordiam! eras tu

quondam sursum in horto voluptatis, in para-

diso, ubi oves tuæ pascebantur in pascuis uberi-

mis, in pascuis pinguibus: habebas illic 100. oves,

& ecce ovicula una deviavit, & subduxit se à gre-

ge. Tu hoc intellexeras, & confessim, Pastor bo-

nus nimium, relictis 99. ovibus in deserto, ivisti,

& quæ-

& quæsivisti eam quæ perierat. Ah JESU! compa-
tior tibi sic fatigato, currenti per invia, & devia,
per spinas & rubos, per dumeta & tesqua. Quem
quæris? ovem meam quæ periit. Ego sum. Fuit qui-
dam, quem Pater tuus dilexit, & sic dilexit, ut te
filium suum unigenitum ei daret, propter quem
voluit te 9. mensibus latere in Virginis utero,
postea jacere in præsepio, deinde circumcidet, po-
stea baptizari in Jordane, 40 diebus jejunare in
deserto, & post 3. annorum labores, tandem vo-
luit te tradi gentibus ad illudendum, flagellandum, &
crucifigendum. Quæris jam: Quis est homo ille,
quem Pater sic dilexit? Ego sum. Ah JESU! fierine
poterit ut, à Patre dilectus, & sic dilectus, non
sim inter paucos electos? Tu propter me à Iuda
traderis gentibus, & ego à Patre tuo tradar tor-
toribus? tu propter me descendisti de cœlo, &
ego descendam ad inferos? tu propter me patie-
ris, & ego peribo! tu propter me morieris, & e-
go non vivam? Scio IESU, tu es vita, ergo non
mortiar sed vivam.

Matt. 1

20.19

§. XIX.

Christus prostrernit hostes.

Illud quod Iudas Christo dederat osculum, erat
Iudæis, ac Romanis velut bellum classicum, quo
quasi signo dato, conjuratis viribus eum adori-
rentur. Non hoc nesciebat, qui nihil non sciebat,
Christus. Quamobrem magnâ animi excelsitate,
tanquam judicaturus, non judicandus, hostesque
suos comprehensurus, imperterritus insaniens
militum cohorti ultrò occurrit, & voce magnifi-
câ, tanquam Dominus rerum omnium interro-
gat: Quem queritis? Responderunt ei: IESVM Nazarenum. Dixit illis IESVS: Ego sum: & statim abierunt 4.

E 3

zetrov-